



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

13 օգոստոսի 2026 թվականի N 1201 - Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2026 ԹՎԱԿԱՆԻ
ՀՈՒԼԻՍԻ 2-Ի N 975-Լ ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԵՎ ԼՐԱՑՈՒՄՆԵՐ
ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով՝ Հայաստանի Հանրապետության կառավարությունը **ո Ր Ո Շ ՈՒ Մ Է.**

1. Հայաստանի Հանրապետության կառավարության 2026 թվականի հուլիսի 2-ի «Ջերմատնային տնտեսություններին տրամադրվող վարկերի տոկոսադրույքների սուբսիդավորման ծրագիրը հաստատելու մասին» N 975-Լ որոշման (այսուհետ՝ որոշում) մեջ կատարել հետևյալ փոփոխությունը և լրացումները՝

1) որոշման հավելվածի 2-րդ կետի 2-րդ ենթակետը «1 հա» բառերից առաջ լրացնել «գումարային» բառով, իսկ «տնօրինող» բառից հետո լրացնել «կամ տիրապետող ու օգտագործող» բառերով.

2) որոշման հավելվածի 3-րդ կետում «2026 թվականի սեպտեմբերի 1-ը» բառերը փոխարինել «2027 թվականի հունիսի 1-ը» բառերով.

3) որոշման հավելվածի 5-րդ կետի 4-րդ ենթակետը «պարարտանյութերի» բառից հետո լրացնել «բույսերի պաշտպանության միջոցների, սուբստրատի» բառերով.

4) որոշման հավելվածի 11-րդ կետը «պատճենը» բառից հետո լրացնել «իսկ լիզինգի պայմանագրի հիման վրա կառուցված ջերմատնային տնտեսության դեպքում՝

լիզինգի պայմանագրի պատճենն, կառուցված ջերմատնային տնտեսության հանձնման-ընդունման ակտը,» բառերով.

5) որոշման հավելվածի 12-րդ կետն ուժը կորցրած ճանաչել:

2. Սույն որոշման 1-ին կետի 1-ին, 3-րդ և 4-րդ ենթակետերի դրույթները տարածվում են 2026 թվականի հուլիսի 4-ից ծագած հարաբերությունների վրա:

3. Սույն որոշումն ուժի մեջ է մտնում հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան